

29.

D. D.  
DISSERTATIO MEDICA INAUGURALIS  
De  
**FEBRE CATAR-**  
**RH ALI**  
HORUM ANNORUM  
**EPIDEMICA,**

Quam  
*Ex suffragio Amplissima Facultatis Medicae  
in Regia Academia Aboensi,  
PRO SUMMIS IN MEDICINA HONORIBUS  
RITE OBTINENDIS,  
ad publicum eruditorum examen modeste defere*  
AUCTOR

**JOHANNES EKELUND**

*Med. Lic.*

*RESPONDENTIA*

**SALOMONE HANNELIO,**

*Ostrob.*

In Audit. max. die 14. Julii Ann. MDCCXLII.  
Horis ante & post meridiem solitis.

---

ABOÆ, exc. Joh. Kiæmpe, Reg. Ac. Typ.

2.

*Joh Gottsmar*

S:æ R:æ M:tis

Regnique, Svecici.

Summæ. Fidei. VIRO.

Illusterrimo. Et. Excellentissimo.

Heroi. Ac. Domino.

BAR. O L A V O.  
CEDERSTRÖM.

Regis. Regnique, Senatori.

Et.

Academiz. Aboënsis, Cancellario.

MÆCENATI SUMMO.

*Q*VEM.

Publico. Orbis. Bono.

Fovendisqve. Litteris. Et. Litteratis.  
Svecia.

Edidit. Eduxit. Extulit.

*Q*VEM.

Parnassus Aboënsis.

Apollinem.

Sentit. Suspicit. Colit.

*Q*VEM.

Hæc. Ætas. Loqvitur.

Loqvetur. Omnis.

Qvamdiu. Orbis. Et. Erudit. Erunt.

*CUJUS*. Virtutes.

Famamqve. Immortalem.

Ne. Ipsa. Qvidem. Fama.

Satis. Expresserit.

In. *ZVO*. Laudando. Musæ. *EJUS*. Deficiunt.

*HUIC*.

Machaoniæ. Artis. Primitias.

Sacras. Esse. Jubet.

Devotissima. Mente. Manuqve.

*ILLUSTRISSIMI. ATQVE. EXCELLENTISSIMI.*

*NOMINIS. TUI.*

*cliens subjectissimus*

**JOHANNES EKELUND.**

*JOHANNES EKELUND*

Nobilissimo atque Experientissimo VIRO;


# DN. HERMANNO DIE- TERICO SPÖRING,

Medicinæ Doctori & Professori Celeberrimo, So-  
ciet. Scient. & Lit. Svec. Membro dignissimo.  
MACENATI MAGNO.

**E**xiguae has pagellas, omni prorsus nitore desitucas, eni-  
nam potius, quam TIBI, VIR NOBILISSIME aigue  
EXPERIENTISSIME, inscriberem, non potui reperire. TIBI  
enim Aesculapius meus, cuius fano haec artis salutaris ta-  
bula unice debetur. TIBI musas meas clientas TIBI domesti-  
casque reddidisti. & mentem meam inclytae virtutis aesti-  
matricem, consilio, informatione, paternoque affectu, fecisti  
miratricem TUÆ. Accipe ergo gratiose animo munusculum,  
quod TUUM est, meque, ut hactenus fui, ita in poste-  
rum esse atque dici TUUM patiaris. TUUM, gratia, fa-  
vore, patrocinio TUO. TUUM, obsequio, fidelitate & ve-  
neratione mea. Ego, donec fatales explorero dies, pro per-  
petuo flare TUO Nobilissimæque Familiæ vota fundere  
non intermittam. Eternum permanfure

NOBILISSIMI atque CELEBERRIMI  
NOMINIS TUI

*multo humilior*  
JOHANNES EKELUND. *multo humilior*



I. N. 3.

**P**romisimus eqvidem in priori nostro specimine, cum uberiorem Kuppisensis, tum reliqorum in Magno hoc Ducatu Finlandiae fontium posteriorum descriptionem. Ast, ne mireris; *H. L.* quod expectationi Tua non satisfactum iam videas. Supponit enim data fides exactum fidumque singulorum examen; supponit itidem plurimum, prater hactenus nobis notas cognitasque, aquarum medicatarum investigationem. Vastissime autem regionis diffusa loca pervagare cum adhuc vetet prelens regnum status; laborem hunc nostrum, Tua veniam, in aliud tempus differre atque reservare cogimur.

Quæ vero ex mandato superiorum, publicum Tuumque *H. L.* aspectum subeunt pagella, febrem describunt catarhalem heic loci epidem.

<sup>2</sup>  
ce grassantem, qvæ, ut foetus prolesqve. inten-  
si frigoris, qvo truculentius fæviere proxime  
præteriorum annorum intervalla brumalia, in-  
lueem prodire cupit. Cumqve Tibi H. L. con-  
stet, quantum frigoris vehementia in corpora  
nostra valeat, transpirationem vacillantem redden-  
do, qvantaqve inde exsurgant sanitati nostræ in-  
commoda; vides nos etiam hisce, qvibus con-  
gruam tutamqve detegimus medelam pro de-  
bellando malo, qvod ex impedita transpiratione  
nullb non tempore apud nos epidemicum fu-  
it, prodesse voluisse.

§. I.

**F**ebris catarrhalis est calor præternaturalis con-  
tinuus in cortice vel ambitu corporis humani,  
cum rigiditate nuchæ, ex impedita transpiratione  
ortus.

Pulsus langvidus & quasi ligatus; lassitudo  
totius corporis; dolor artuum, membrorum,  
dorsi, capitis, & imprimis sincipitis, maxime  
que ad sinus sic dictos frontales, intra duplica-  
tiram ossis frontis locatos; rubedo oculorum;  
siccitas oris, fauciū & narium; coryza; tus-  
sis, haud raro ad sanguinis usqve screatum;  
appe-

3

appetitus prostratus; inquietudo; vigiliae; deliria; spalni & dolores intestinorum; urina colo-  
rata; alvus obstipata; symptomata sunt, a ma-  
jori vel minori succorum intra corpus accumulato-  
rum copia, a majori vel minori partium soli-  
darum laxitate &c. dependentia. Qvæ omni-  
a, ut in singulis subjectis non simul & semel ad-  
sunt, ita nec morbum præcise constituant, nec  
definitionem ingredi queunt.

Ex rubro dissertationis hujus liqvet, nos ias  
præsenti de febre catarrhalī, horum annorum ,  
heic scil. loci, epidemica, agere constituisse,  
qvod probe observari volumus, ne cum aliis, a  
Med:cis jam descriptis febribus catarrhalibus ,  
confundatur hæc nostra; nam peculiaris certe  
est indolis, diversamque ab illis, & hactenus,  
quantum mihi constat, incognitam, poscit cu-  
ram, ut ex sequentibus aliquo modo patebit.

## §. II.

**C**alorem, eumqve præternaturalēm, constan-  
ter & perpetuo in hoc morbo adesse, mo-  
do innuimus; exigunt itaqve bonæ methodi le-  
ges ut in ejus causas inquiramus.

Notum est qvam qvod notissimum, omne  
A 2 pun.

punctum in ambitu corporis humani esse cri-  
briforme & porosum. Qui hiatus, orificia sunt  
patula vasorum, quorum basis in centro fere  
corporis latet, unde figura conica ad peripheri-  
am pergit, ubi in apices tandem dehinc  
tinnueros, subtilissimos. Hec autem orificia  
vasorum patula, insignem prorsus ingensorum,  
ad stupendam subtilitatem redactam, copiam,  
quovis momento transmittere, e corpore, uti  
superfluam & noxiam, excernere, inque auras  
disjicere, docent experimenta sanctioriana alio-  
rumque; Hic naturæ actus, *transpiratio insensi-*  
*bilis* nominari consuevit. Dum vero ex qua-  
cunque caussa, materia exhalabilis, quæ salino-  
sulphureæ est indolis, intra corpus restibilis fit,  
*transpirationem laxam* esse dicimus & *impeditam*.

Constat porro sanguinis motum esse & pro-  
gressivum & intestinum. Ille est ubi omnis mas-  
sa sanguinea, per orbem, totum corpus puta,  
volvitur & in gyrum quasi fertur. Hic ubi  
particulae sanguinis, tam homogeneæ, quam  
heterogenæ, inter se, sub motu progressivo  
moventur. Ex hoc duplici sanguinis motu o-  
mnis provenit calor naturalis. Impedita autem  
tran-

transpiratione crescit & augetur calor naturalis, inque calorem præternaturalem degenerat. Sufflata minata enim & prohibita transpiratione, necessaria est restiter intra corpus materia exhalabilis, quo simili augetur quantitas particularum sanguinearum heterogenearum, quæ deinceps cum homogeneis, motum intestinum majorem, & inde attritum fortiorum ( agunt scil. fluida in solidâ & hæc vicissim in illa ) unde tandem calorem vehementiorem, quem præternaturalem sive febrem vocamus, excitant.

§. III.

**E**X hisce modo allatis constare jam existimus, quia ratione calor præternaturalis in praesenti morbo oriatur. Cur autem in cortice tantum & ambitu corporis constanter sentitur, nec profundius serpat, non aliam subesse novimus causam, quam motum sanguinis progressivum, e centro scil. ad peripheriam, pressione a tergo & resistentiam in epidermide: unde aliter evenire non potest, quam particularum intra cutem resistantium continuus sit attritus, & inde calor in ambitu solo. Sicubi vero itas in vel metastasis fecerit materia secura acris exhalabilis, ex-

gr

gr. in naribus, faucium peristromate &c. catar-  
rhi nomine venit. Ut adeo ex dictis jam appa-  
reat quid sibi velit febris catarrhalis horum anno-  
rum epidemica.

#### §. IV.

**I**mpediunt autem & penitus tollunt ac subver-  
tunt transpirationem, frigus, qvies nimia &  
ingesta transpirationi minus faventia.

Frigus omnia corpora condensare inqve minus  
cogere spatum, pro dato jam accipere licet.  
Hinc etiam corticem corporis humani constrin-  
gendo, orificia, transpirationi dicata, claudit.

Qvietem nimiam, cohibere vel saltim segno-  
rem reddere transpirationem, imprimis si lau-  
tior accesserit dieta, testantur foeminæ, literati  
&c. omnesque qui vitam agunt sedentariam &  
laboribus expertem. Hoc enim vivendi modo  
accumulantur nimis quantum intra corpus hu-  
mores, ita ut tonus solidorum gravissime sape  
lædatur atqve labefactetur: unde fluida segni-  
us atqve langvidius in circulum aguntur, in-  
erascantur & transpirationi ineptissima redduntur.  
Hinc etiam peti debet ratio, cur corpora ejus-  
modi plethorica & qvæ laxioris sunt constitutio-

nis,

nis, levissimo licet frigori exposita, ad statas  
& metastatas quasvis ferolas excipiendas, para-  
ta quasi sint & preparata, omniumque facil-  
sime in morbos incurvant catarrhales. Quan-  
tum vero robur, motus partibus solidis con-  
ciliat addatque, & quantum in attenu-  
andis fluidis valeat, eadem transpirationi apta  
reddendo, testantur omnes, qui corpus labore  
exercent: quique gelidissimo sub celo, non tan-  
tum calorem naturalem & transpirationem illibata-  
tam, solo motu, conservant; sed corpus etiam  
ad exstuationem usque & sudorem exagitant.  
*Homo edens, inquit Hippocrates Lib. I. De Diæ-  
ta, sannus esse non potest, nisi etiam laboret. Con-  
trarias enim inter se vires habent cibi & labo-  
res; verum inter se mixti conferunt ad sanitatem.*  
Labores enim ea, quae insunt, consumere  
solent. Oportet autem mensuram & proporcio-  
nem cognoscere laborum ad multitudinem ciborum  
& hominis naturam, & corporum staturas,  
statas, & ad tempora anni, & mutationes ven-  
torum &c.

Lædunt tandem vel minus promovent tran-  
spirationem. *Ingesta quævis acida, duriora, cras-  
siora*

§

siora &c. sufficienti potu non diluta. Inclusant enim hæc & spissam, densum ac cœgularum quasi efficiunt sanguinem, ut inceptus evadat ad permeandum vasa corporis minima; adeoq; conservandæ transpirationi, sanitatis nostræ tulebro optimo, minime satisfaciunt.

§. V.

**R**igiditatem nuchæ, aliis majori gradu, minori alius evenire, morbumque constanter concomitari, experimur. Hujus incommodi rationem facili opera reddere atque explicare, quemvis posse crediderim, qui attenderit ad humorum intra corpus circuitum, quorum duas tertiz partes ad superiora propelluntur; qui ad partes nuchæ vicinas glandulosas, nerveas, musculosas, easque numerosissimas, exhalante parte subtiliori atque mucosa, animum adverterit; quiq; tandem consideraverit nacham, collum, aures & maxillas, vestibus non probe satis muniri atque tegi, & quid in hisce omnibus valeat frigus.

§. VI.

**E**Rutis jam perspectisq; cauiss, quæ morbus hunc nostrum epidemicum inducent;

pro,

9

proximum est ut videamus, qvibus remediis facilius profigi queat. Observant evidenter omnes, caloris præternaturalis præalentiam; hinc tutissime veneficationes institui debent existimant nonnulli, inque auxilium vocant nitrota, antispasmodica, acida, & ejusdem generis plura, quæ cæteroquin sanguinis orgasmum & astutum febrilem efficaciter mitigant atque compescunt. Ast, hi ipsi nihil efficiunt aliud, quam detrahendo per venam secatam, partem sanguinis rubram, quæ hoc in casu minime est peccans, ægros debilitant, & per medicamenta, modo nominata, illegitime administrata, materiam peccantem augent. Per experientiam etenim constat, nitrota quavis & acida tere singula, sanguinis partem rubram incidere, attenuare & fluidiorem reddere, quo simul etiam necessarie est incrementum capiat pars ferota, quæ hoc in morbo, ob derelatum ipsi exitum, magis magisque peccans evadit. Hinc cum stupore animadvertisunt, per refrigerantia & incendiaria cuncta, quorum laus alias verte eximia est, caloris & morbi vehementiam increscere, hujus vero cædus causam cum prorsus igno-

rent; varia propinant, qvibus ægoti, aut diu-  
tissimæ detinentur, aut miserime tandem suc-  
cumbunt.

Alii aliam ingressi viam, hanc nostram, cum  
febris aliis catarrhalibus confundunt, calorem  
indem adesse observantes, bezoardica & diaphem-  
retica fortiora, sub forma mixturarum, vario-  
que alio modo concinnata, largiori manu  
porrigunt. Sed utp[er] hi, diaphoresin & reso-  
lutionem morbi per sudorem, intendant; even-  
tus nihilominus sinistros ac funestos, & expe-  
ctationi minime respondentes, inde experiri co-  
guntur. Nam ex datis hisce pharmacis, non  
solum siccitatem oris & narum, ardorem  
faucium usq[ue] in stomachum, sicutq[ue] fere in-  
extinguibilem excitari; verum etiam deliria,  
exanthemata & morte[m] accelerari, ipsa eo-  
rum testatur ignorantia. Evictum enim est,  
medicamenta non agere secundum activitatem  
suam, sed secundum receptivitatem.

Ubi autem langvidus est tonus & robur de-  
ficit solidorum, imprimis vero si refrigerantibus  
&c. magis destruitur; inertia manent pharma-  
ca fixioris naturæ & difficilioris solutionis,  
dicta-

11

dictaque symptomata, tantum non omnia, producunt. Porro, ubi motus peristalticus aliquo modo vigeret, & robur primarum viarum non penitus est dejectum, urgent medicamenta ista, cito nimis propinata, materiam crudam pescantem, & vi quasi protrudant, ad extrema corporis; unde exanthemata &c. Horum autem phœnomenorum rationes fusis reddere, hujus quidem esset loci; verum, cum brevitati studeamus, eas, si cui placuerit, coram proferimus. Verbo tantum monemus, morbum hunc nostrum, ut alii serosi, per lenem diapnoen, neutiquam diaphoresin vel sudorem, eradicari debere. Per diaapnoen transpirationem intensibilem in ordinem redigi posse, omnibus constat; quod item per diaphoresin non obtinetur. Per diaphoresin naturam cogi & diapnoen sufflaminari, notissimum est; non item per diapnoen. Porro notari meretur, bezoardica mitissima, quæ ceteroquin diapnoen plaeide prostovent, etiam minima in dosi assumta, non solum morbum hunc epidemice gravantem, non levare, sed, modo recensitis symptomatibus, in scenam prodire.

Pessime denique agunt, qui symptomata ab  
ipso

ipso morbo distinguere nesciunt; ex. gr. ubi spastni & dolores, intestina excruciant; calidiora carminativa, & ejusmodi plura, sub initio statim morbi; prescribunt, quo materiam adhuc incoctam & immobilem, nimis quantum movent, unde non potest non morbus exacerbari & mala in pejus ruere.

§. VII.

**Q**VAM vero nos, heic loci, ex inventione CELEBERR. D. D. & PROF. SPRINGER, instituimus curam, ita se habet. Aquam fontanam, puram, ad primum ebullitionis gradum incalefcere sinimus, cui, ab igne statim remote, farinam fecalinam, quantum fieri potest, misceri curamus. Hoc deinceps magna pultiforme, linteis duplicatis involutum, nuchæ atque occipiti calide applicamus. Quid conficitur, ut, non solum nervi per nucham recurrentes & partes vicinæ emoliantur, corpusque, interdum totum, madore sensim & successive diffundatur; verum etiam, quod migrationem adstantium sœpe subivit, deliria, hoc simplicissimo remedio cessare haud raro videamus. Si alius adstricta est & officii ~~immor~~ eodem

codem epithemate regionem umbeciscalem to-  
mentare jubentias; unde exeramenta exiui di-  
eata parataque, sponte protruduntur & foras  
exturbantur. Si calor nimis urget, & cutis a-  
rida est & aspera; aqua tepida, nitro vigorata,  
agrotos lavare svidemus. *Succinum* tandem  
rite preparatum, quod in hoc morbo certe  
specificum est & omne absolvit curationis pun-  
ctum, ad grana XV. scrupulum & ultra, pro  
ratione circumstantiarum & individui, cum  
sufficienti vehiculo & pulvere florum chamomil-  
iae, propinamus. Ad *argiletum* chemicam si re-  
vocaveris *succinum*, reperies illud oleo  
subtili atque snavi copiosissime turgere,  
quo cum suecis corporis menstrualibus amicissi-  
mum init connubium dissolviturque: virtutem  
autem exerit balsamicam ac tonico roborantem;  
unde non potest non natura, hoc preprimis  
in casu ubi blando eger stimulo, maxime esse  
conveniens. Et, ut omnia olea subtiliora  
balsamica, animando fibras motrices, motum au-  
gent solidorum, caloremque excitant lenem,  
quo e centro ad peripheriam vergunt, atque len-  
sim attenuantur, succi ac humores regurgitantes,

len-

lenti; ita etiam succinum, eodem operandi modo, resuscitandæ transpirationi maximopere favet, atqve per universale illud corporis emanatorium, corticem cribrosam, noxia qvævis, superflua & restitutia, lenissime evocat. Sub totius vero morbi decurso, infusa Theiformia, moderato sub caloris regimine, tepida sorbilanda præscribimus, qvæ utique pro diluendi, acia involvendi & per congrua denique emunctoria eliminandi scopo inserviunt. Diætam commendamus tenuem ac diluentem: cui fini maxime accommodata sunt, juscule carnium & gallinacea; interdum etiam lacticinia, si ventriculus fert. In ordinem, simplici hac via atque methodo, redacta transpiratione insensibili, sensim per debita emunctoria exitum molitur sa-  
tarhus, sicubi stasin vel metastasis fecit se-  
rum, sponteqve evanescit morbus cum sympto-  
matibus. Qui enim tollit caussam morbi, tollit  
& ipsum morbum. Pro roborando intestino-  
rum tono atqve erigendo appetitu, in nonnul-  
lis graviter prostrato, nec non conservanda  
transpiratione, Elixir viscerale, ad mentem.

CELEBERRIMI D<sup>a</sup>. D<sup>r</sup>, & P. SPRING

com-

15

compositum, quod cum illi. Hoffmanni in multis convenit, in declinatione morbi, summo cum sanitatis emolumento, adhibetur.

§. VIII.

**S**igna sequentia, crisi factam esse indigitant & restitutionem promittunt. Si cutis, ante arida, sicca & aspera, madida & lenis evadit; certum est indicium transpirationem ritetum procedere. Si caput, absque ullo dolore nuchæ, libere circumrotari potest, influxum fluidi nervi, & circuitum humorum in partibus vicinis, non amplius esse denegatum vel impeditum, constat. Si urina, copiosum deponit sedimentum, album saepe & mucidum; in proposito est naturam, per laticem urinosum, insignem exturbare materię peccantis copiam. Si fauces, pulmones per tussim, & imprimis nares, copiosam fundunt materiam mucosam, appetet, stasin vel metastasin in his partibus adfuisse, ægrotum vero brevi evasurum.

§. IX.

**E**x hisce omnibus sic disputatis inque medium prolati, apertissime constat, morbum hunc peculiaris esse indolis, primo in eo, quod calor semper observetur in ambitu corporis

ris, saepe cum ardore cutis & æstu febrili, absque ulla pulsus sensibili vehementia. Deinde in eo, quod nulla, ut aliæ ejusdem farinæ febres, admittat bezoardica diapnoica lenissima, omnilius circumspicione, minima in dosi & sufficientissimo cum vehiculo, administrata atque adhibita; sed specialem & ab iis diversam, quamque modo deteximus, postulet curam. Non quidem inficias ire licet, hanc, quæ hujus loci jam epidemica est, æque ac aliæ febres serotæ ac catarrhales, per diapnoën resolvi debere; verum media, uti superius dictum est, quibus diapnoës alias obtinetur, in hac, locum non inveniunt.

*Desideras H. L. Observationes cum earum epistolis, idque jure meritoque; verum easdem sub jungere in hoc temporis articulo non datur.*

Tantum,

